

**ZAPISNIK SA 39. SJEDNICE UO SAMOSTALNOG SINDIKATA RADNIKA U BHRT-u, KOJA JE  
ODRŽANA U UTORAK 27.02.2018. GODINE**

**Prisutni:** D. Smital; E. Čengić; Dž. Kahrica; N. Žuga; G. Brkić; M. Grbo; M. Baručija;  
N. Arnautović; D. Miljević; N. Hodžić M. K. Pašalić; N. Čordalija  
**Odsutni:** S. Topalić ; E. Fočo; - **opravdano**; B. Hamzagić; O. Bukić; - **neopravdano**  
**Gost:** Mubera Herac, povjerenica Podružnice ured generalnog direktora

Dnevni red:

1. Zapisnik sa 38. sjednice
2. Aktuelna situacija u BHRT-u
  - sastanak sa ministrom prometa i komunikacija / informacija
3. Stanje članstva
  - Odluka o članstvu
4. Skupština
  - spisak delegata
  - finansijski izvještaj
  - priprema Skupštine
5. Finansije (D. Karšić)
6. Izvještaj i specifikacija BSO za decembar 2017 (N. Žuga)
7. Dodjela pomoći (N. Žuga, G. Brkić, M. Grbo)
8. Razno
  - 8 mart

**AD 1.** D. Smital je u 12.36 sati na osnovu člana 35. Statuta Samostalnog sindikata radnika u BHRT-u, otvorio 39. sjednicu UO SSR u BHRT-u i predložio dnevni red koji je jednoglasno usvojen. Zapisnik sa 38. Sjednice je također jednoglasno usvojen uz izmjene koje su iznijeli N. Žuga u vezi dodjele pomoći i N. Čordalija u vezi broja prisutnih i greške u nazivu Podružnice iz koje dolazi.

**AD 2.** D. Smital je izvjestio UO Sindikata da je održan sastanak sa Ministrom komunikacija i prometa BiH Ismirom Juskom na kojem se razgovaralo o Zakonu o javnom RTV sistemu, problemu stabilnog finansiranja javnih servisa i procesu digitalizacije. Prijedlog Sindikata u vezi s izmjenom Zakona tiče se izmjena definicije RTV takse koja predstavlja problem pri utuženju, odnosno kada RTV servisi žele naplatiti RTV taksu u sudskom procesu, zatim formiranja zajedničke službe za naplatu RTV takse, kao i planiranja sredstava u budžetu BiH za vraćanje duga Evropskoj radiodifuznoj uniji. Istakao je da je usvajanje izmjena Zakona urgentno pitanje s obzirom da finansiranje BHRT-a ovisi isključivo o ugovoru s Elektroprivredom BiH, koji ističe krajem ove godine. Istaknut je veliki problem nedostatka HD reportažnih kola zbog kojih naša kuća gubi mnoge poslove. Ministar Jusko je obećao da će pored redovne procedure digitalizacije, ministarstvo nastojati preko donatora obezbjediti HD kola uz molbu da se dostavi specifikacija na engleskom jeziku. Nakon sastanka sa ministrom Juskom, delegacija sindikata u sastavu D. Smital, Dž. Kahrica, G. Brkić i E. Čengić odžala je kratki sastanak i sa menadžmentom BHRT u vezi plana isplate prihoda radnicima. Prenijeli smo informaciju o mogućoj nabavci reportažnih kola i tražili od menadžmenta da dostavi specifikaciju u naredna dva dana. Dobili smo informaciju da je reorganizacija i sistematizacija trenutno na čekanju zbog godišnjeg finansijskog izvještaja koji se šalje parlamentu.

**AD 3.** D. Smital je iznio prijedlog odluke o članstvu koju je radio sa N. Žugom a za čiju saglasnost su dobili od kompletnog rukovodstva sindikata na sastanku koji je održan prije nekoliko dana.

Nakon kratke rasprave, odluka o članstvu je jednoglasno usvojena.

E. Čengić je izvjestio UO Sindikata da sindikat broji 474 člana.

Po izvještaju koji je dostavljen iz blagajne, članarinu do ove sjednice nisu uplatili Nada Šimić, Idajeta Jauz, Namik Hadžiahmetović, Mujo Šehić, Ibrahim Manjo, Enes Čengić i Mirela Bertić.

Ukupan broj članova saradnika/penzionera koji redovno izmiruju članarinu je 14.

Na osnovu odluke o članstvu, UO je jednoglasno donio odluku o prestanku članstva za gore navedene a koji nisu izmirili članarinu sindikata.

12.54. sati M. Grbo je zbog obaveza napustio sjednicu.

**AD 4.** D. Smital je pročitao da u članu 21. Statuta Samostalnog sindikata radnika u BHRT-u stoji "prestankom ili isključenjem iz članstva prestaju sva prava i funkcije koja proizlaze iz članstva u sindikatu". Odluka o prestanku članstva će biti dostavljena Nadi Šimić na koju ima pravo žalbe u roku od 15 dana. D. Smital je predložio da se za nekih 15-16 dana održi posebna sjednica u vezi organizacije skupštine.

12.56 sati N.Arnautović je napustio sjednicu.

D. Smital je izvijestio da je u skladu sa zaključkom UO, održan sastanak Podružnice ured generalnog direktora. Izabran je povjerenik Mubera Herac, izabrani su delegati za skupštinu sindikata i novo povjereništvo. Dostavljeni su zapisnik, odluka o izboru povjerenika i povjereništva i Odluka o prijedlogu kandidata za UO Sindikata koji će biti predložen na skupštini.

N.Čordalija je dostavio zapisnik sa održanog sastanka Podružnice zajedničke funkcije BHRT-a, u kojem je navedeno da su donijeli odluku o svom novom kandidatu za UO a koji će biti predložen na skupštini sindikata. N. Čordalija je istakao da će podnijeti ostavku na mjesto u UO pred Skupštinu, kako podružnica ne bi ostala bez predstavnika u UO.

D.Smital je istakao da UO mora donijeti odluku o izmjeni odluke o imenovanjima.

12.58. N.Hodžić došao na sjednicu.

Istaknuto je da će skupštinu na osnovu donijete odluke o prestanku članstva, voditi potpredsjednica Ž.Mehmedika. D.Smital je otvorio raspravu o prijedlozima za predsjednika skupštine.

D.Miljević je predložio Amira Džidića iz Podružnice IT Centri.

D.Smital je istakao da je finansijski izvještaj urađen i dostavljen nadzornom odboru 06.02.2018.godine.

Nadzorni odbor je 14.02.2018.tražio dokumentaciju koja je dostavljena 19.02.2018.godine a do današnje sjednice izvještaj nadzornog odbora nismo dobili.

E.Čengić je dostavio spisak delegata po podružnicama.

Za obezbjeđenje skupštine dogovoreno je da N.Čordalija provjeri sa Avdom Ćustovićem može li odobriti dva čovjeka kojima će biti isplaćena po jedna dnevnicica.

Finansijski izvještaj primljen k znanju.

Zaključak UO sindikata je da se za 15-16 dana organizuje vanredna sjednica za organizaciju skupštine.

**AD 5.** Blagajnički izvještaj D.Karšić za mjesec januar 2018. godine je primljen k znanju.

**AD 6.** Izvještaj i specifikacija BSO za decembar 2017 je primljen k znanju. N.Žuga je informisao UO Sindikata da je počela saradnja sa BSO osiguranjem u BL.

**AD 7.** Komisija za dodjelu finansijske pomoći (N.Žuga, G.Brkić, M.Grbo) predložila je da novčanu pomoć dobiju Hasan Nurkanović 500KM, Adisa Dedić 200 (Idio). Ukupno 700KM.

Prijedlog odluke komisije za dodjelu finansijske pomoći jednoglasno je usvojen za mjesec februar 2018.godine.

**AD 6.** D.Smital je postavio pitanje poklona za članice sindikata povodom 8.marta i istakao da je prošle godine za članice izdvojeno po 25KM odnosno 4108,00 KM ukupno. M.Herac je istakla da žene "traže" 30KM. D.Miljević je predložio da za žene ove godine poklon-bon bude u iznosu od 30 KM. Nakon kratke rasprave, usvojena je odluka da se svakoj ženi, članici SSR u BHRT-u obezbijedi poklon-bon od 30 KM.

Sjednica je završena u 13:24. sati

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengić

Predsjednik  
SAMOSTALNOG SINDIKATA  
RADNIKA U BHRT-u  
Damir Smital